

**ARAHAN PENTADBIRAN, PEJABAT PENGARAH
JABATAN AGAMA ISLAM WILAYAH PERSEKUTUAN (JAWI) BIL. 5 TAHUN 2014**

**PEMATUHAN TERHADAP WAKTU MAKAN/MINUM SEMASA WAKTU PEJABAT
KEPADА PEGAWAI DAN KAKITANGAN JABATAN AGAMA ISLAM WILAYAH
PERSEKUTUAN (JAWI)**

1. TUJUAN

- 1.1 Arahан Pentadbiran ini dikeluarkan adalah sebagai peringatan kepada semua pegawai dan kakitangan Jabatan Agama Islam Wilayah Persekutuan (JAWI) termasuk Cawangan Putrajaya dan Labuan berhubung pematuhan terhadap waktu makan/minum dan mengurus urusan peribadi semasa waktu pejabat, dan usaha untuk mempertingkatkan disiplin dan imej pegawai dan kakitangan JAWI.

2. LATAR BELAKANG

- 2.1 Berdasarkan kepada pemerhatian sebelum ini, didapati pegawai dan kakitangan di JAWI tidak mematuhi sepenuhnya peraturan berhubung waktu makan/minum dan mengurus urusan peribadi semasa waktu pejabat.
- 2.2 Berdasarkan Pekeliling Perkhidmatan Bil. 2 tahun 2007, penjawat awam telah ditetapkan tiga (3) waktu pejabat iaitu Waktu Berperingkat (WP) WP1, WP2 dan WP3. Namun demikian, terdapat pegawai dan kakitangan JAWI yang keluar makan/minum serta menguruskan urusan peribadi di dalam lingkungan waktu pejabat yang digariskan oleh Pekeliling tersebut.
- 2.3 Keadaan ini bukan sahaja menjelaskan produktiviti dan kualiti kerja, tetapi turut memberi kesan negatif kepada imej JAWI.

3. PERINGATAN TERHADAP PEMATUHAN WAKTU PEJABAT KETIKA KELUAR MAKAN/MINUM

3.1 Keluar Makan/Minum Mengikut Waktu Yang Ditetapkan

Seperti yang ditetapkan di dalam Pekeliling Perkhidmatan Bil.2 tahun 2007, waktu keluar makan dan minum seharusnya dilakukan *semasa waktu rehat jam 1.00 hingga 2.00 petang (Isnin-Khamis)* dan *12.15 tengah hari hingga 2.45 petang (Jumaat)*, ataupun sebelum bermulanya WP masing-masing setiap pagi (*sama ada sebelum jam 7.30 pagi bagi WP1, sebelum jam 8.00 pagi bagi WP2 dan sebelum jam 8.30 pagi bagi WP3*).

Pegawai hanya dibenarkan pergi ke gerai makanan/minuman JAWI (GMJ) bagi tempoh masa yang singkat antara Waktu Pejabat masing-masing untuk membeli makanan/minuman secara “take-away” untuk dibawa semula ke pejabat.

- 3.2 Pihak Pengurusan akan membuat pemantauan dari masa ke semasa dan tindakan tegas akan diambil kepada mana-mana pegawai dan kakitangan yang didapati melanggar arahan ini.

4. TARIKH KUATKUASA

- 4.1 Arahan Pentadbiran ini berkuatkuasa SERTA-MERTA.

5. PEMAKAIAN

5.1 Arahan Pentadbiran ini digunakan oleh semua pegawai dan kakitangan di Jabatan Agama Islam Wilayah Persekutuan (JAWI) termasuk di Cawangan Putrajaya dan Cawangan Labuan.

“BERKHIDMAT UNTUK NEGARA”

(HJ. PAIMUZI BIN YAHYA)

Pengarah

Jabatan Agama Islam Wilayah Persekutuan (JAWI)

Tarikh: 18 November 2014/ 25 Muharram 1436H